



Na osnovu člana 3. stav (1) Zakona o službi u OS BiH („Službeni glasnik BiH“ broj:88/05, 53/07, 59/09, 74/10, 42/12 i 41/16), a u skladu sa odredbama 2., 20., 21., 22., 23., 24., 25., 26. i 27. Pravilnika o školovanju i usavršavanju u MO i OS BiH broj: 13-02-3-1632/10 od 01.04.2010.godine, a u cilju odabira kandidata/kinja za školovanje na Vojnim akademijama u inostranstvu, Ministarstvo odbrane Bosne i Hercegovine raspisuje,

**JAVNI KONKURS**  
**za školovanje kadeta na Vojnim akademijama Oružanih snaga SAD,**  
**za školsku 2017/2018. godinu**

**I – PREDMET KONKURSA**

Ministarstvo odbrane Bosne i Hercegovine raspisuje javni konkurs za školovanje 2 (dva) kadeta na Vojnim akademijama Oružanih snaga SAD, za školsku 2017/2018. godinu po sljedećem:

- a) 1 (jedan) kadet na Kopненоj vojnoj akademiji (West Point) i
- b) 1 (jedan) kadet na Vazduhoplovnoj vojnoj akademiji.

**II – USLOVI KONKURSA**

1. **Opći uslovi** su propisani članom 9. Zakona o službi u Oružanim snagama BiH ("Službeni glasnik BiH broj: 88/05, 53/07, 59/09, 74/10, 42/12 i 41/16“):
  - a) da je državljanin Bosne i Hercegovine,
  - b) da je zdravstveno sposoban za službu u oružanim snagama,
  - c) da nije osuđivan na безусловnu kaznu zatvora u trajanju dužem od šest mjeseci,
  - d) da nije prethodno otpušten iz državne službe ili pravnog lica zbog povrede službene dužnosti u posljednje tri godine,
  - e) da se protiv njega ne vodi krivični postupak za krivično djelo za koje se goni po službenoj dužnosti,
  - f) da mu pravosnažnom presudom nije zabranjeno obavljanje određenih djelatnosti, odnosno dužnosti za vrijeme trajanja takve zabrane,
  - g) da ima odgovarajuću stručnu spremu potrebnu za obavljanje određene dužnosti. (Uslov koji će biti ispunjen po završetku vojne akademije).
2. **Posebni uslovi:**
  - a) završena srednja škola IV stepen, ili da trenutno pohađa IV razred srednje škole,
  - b) da je u svakom razredu postigao/la najmanje vrlo dobar uspjeh kao i da mu/joj je prosjek ocjena iz matematike i fizike najmanje dobar (kandidati/kinje sa prosjekom ocjena odličan će imati prednost ako dva ili više kandidata/kinja imaju jednak ukupan broj bodova),
  - c) kandidati/kinje koji trenutno pohađaju IV razred srednje škole, po završetku istog, a najkasnije do 20.06.2017.godine, moraju dostaviti ovjerene kopije svjedočanstva i diplome Sektoru za upravljanje personalom Ministarstva odbrane Bosne i Hercegovine,

- d) kandidati/kinje koji trenutno pohađaju IV razred srednje škole, po završetku istog, moraju u svjedočanstvu imati minimalno isti prosjek ocjena iz svih predmeta kao i u svjedočanstvu o završenom trećem razredu koje su predali u dokumentima za prijavu na javni konkurs. Ministarstvo odbrane BiH zadržava pravo na prekid postupka upućivanja kandidata/kinje za kadeta na školovanje ukoliko lice nema minimalno isti prosjek kao i na kraju trećeg razreda,
- e) da nije mladi/a od 17 i stariji/a od 23 godine na dan 01.07.2017. godine,
- f) poznavanje engleskog jezika (na provjeri poznavanja engleskog jezika da postigne minimalno 80 bodova na testu ECL),
- g) poznavanje rada na računaru (Word, Excel, Power Point, Internet),
- h) fizička spremnost:
  - kandidati/kinje moraju imati dobru fizičku spremnost, koja će biti provjerena kroz sljedeće discipline: trčanje 1600 m (1 milja), shuttle test (sprint), trbušnjaci, zgibovi, bacanje košarkaške lopte i sklekovi.

### **Napomene:**

1. Kandidati/kinje prijavljeni na Javni konkurs proći će test fizičke spremnosti, test općeg znanja, test engleskog jezika i intervju. Sigurnosnu provjeru za svakog uspješnog kandidata/kinju izvršit će nadležni sektor Ministarstva odbrane Bosne i Hercegovine, a zdravstveni pregled kandidata/kinja koji uspješno prođu testiranje obaviti će nadležna ustanova u organizaciji Ministarstva odbrane Bosne i Hercegovine.
2. Rangiranja kandidata/kinja vršit će se na osnovu kriterija koje će odobriti Ministrica odbrane Bosne i Hercegovine i s kojima će biti upoznati kandidati/kinje koji budu pozvani na testiranja i provjere.
3. Testiranjima, provjerama i intervjuu sa kandidatima/kinjama pored komisije za izbor kandidata/kinja za školovanje kadeta Ministarstva odbrane Bosne i Hercegovine biće prisutni i predstavnici Ureda za saradnju iz oblasti odbrane Ambasade Sjedinjenih Američkih Država u Bosni i Hercegovini.
4. Rang liste kandidata/kinja za prijem za školovanje kadete na vojnim akademijama u Sjedinjenim Američkim Državama, Ministarstvo odbrane Bosne i Hercegovine dostavlja vojnim akademijama preko Ureda za saradnju u oblasti odbrane Ambasade Sjedinjenih Američkih Država u Bosni i Hercegovini, koje će izvršiti konačan izbor za kandidata za kadete na vojnim akademijama

### **3. Posebni uslovi prema kriterijima akademija u Sjedinjenim Američkim Državama**

- a) položen Scholastic Aptitude Test (SAT kôd za Vazduhoplovnu vojnu akademiju je **4830** a SAT kôd za Kopnenu vojnu akademiju „West Point“ je **2924**) za Vazduhoplovnu vojnu akademiju najkasnije do 30.12.2016.godine a za Kopnenu vojnu akademiju „West Point“ najkasnije do 30.01.2017.godine. Sve informacije o polaganju SAT testa se mogu pronaći na web stranici  
<https://sat.collegeboard.org/register/sat-international-dates>
- b) položen test engleskog kao stranog jezika (TOEFL) za Vazduhoplovnu vojnu akademiju najkasnije do 30.12.2016.godine a za Kopnenu vojnu akademiju „West Point“ najkasnije do 30.01.2017.godine. Sve informacije o polaganju TOEFL testa se mogu pronaći na web stranici  
<http://www.ets.org>
- c) provjeru fizičke spremnosti realizovat će Komisija Ministarstva odbrane Bosne i Hercegovine u saradnji sa Uredom za saradnju iz oblasti odbrane Ambasade Sjedinjenih Američkih Država u Bosni i Hercegovini, po kriterijima propisanim od strane vojnih

akademija OS SAD. Sve informacije o kriterijima za polaganje testa fizičke spremnosti su navedene na web stranicama:

<http://www.westpoint.edu>

<http://www.academyadmissions.com>

- d) da kandidat/kinja posjeduje snažan potencijal za buduće vođe kroz
  - aktivno učešće u vannastavnim aktivnostima,
  - učestvovanje na školskim ili lokalnim sportskim takmičenjima,
- e) preporuke nastavnog osoblja srednje škole koju je kandidat/kinja pohađao/la ili pohađa,
- f) da kandidat/kinja nije oženjen/udata i da nema zakonsku obavezu izdržavanja djece.

#### **Zdravstveni uslovi:**

- a) da kandidat/kinja ne boluje od zaraznih oboljenja (HIV, TBC, hepatitis) kao i da ne boluje od astme i oboljenja srca,
- b) da ima odličan vid i da nema problema koji bi mogli predstavljati prepreku za treniranje boksa (deformacija rožnjače RK, PRK, laserska korekcija vida),
- c) da dobro podnosi velike vrućine i da nema sklonost ka dobijanju sunčаницe,
- d) da nije u drugom stanju,
- e) da nema zubnih oboljenja i/ili drugih stomatoloških problema koji bi mogli predstavljati prepreku u treniranju boksa,
- f) da nema povredu glave koja bi mogla predstavljati prepreku u treniranju boksa.

### **III – ŠKOLOVANJE, PRAVA I OBAVEZE**

1. Školovanje kadeta na Vojnim akademijama Oružanih snaga u SAD traje četiri godine, počevši od školske 2017./2018.godine.
2. Odabrani kandidati/kinje imat će status kadeta, čija će prava i obaveze biti regulisane u skladu sa članovima: 73., 142. i 143. Zakona o službi u Oružanim snagama Bosne i Hercegovine („Službeni glasnik BiH“, broj:88/05, 53/07, 59/09, 74/10, 42/12 i 41/16) i članom 29. Zakona o platama i naknadama u institucijama Bosne i Hercegovine („Službeni glasnik BiH“, broj:50/08, 35/09, 75/09, 32/12 i 42/12).
3. Po završetku školovanja, kadeti će biti primljeni u profesionalnu službu u početnom činu oficira Oružanih snaga Bosne i Hercegovine - potporučnik, odgovarajućeg roda - službe.
4. Međusobne obaveze kandidata/kinja izabranih za školovanje na Vojnoj akademiji u SAD i Ministarstva odbrane Bosne i Hercegovine regulišu se Ugovorom o školovanju.
5. Za vrijeme školovanja kadetima su osigurani smještaj i ishrana u internatu Vojne akademije.

### **IV POTREBNI DOKUMENTI**

- a) Prijava i lični (biografski) podaci (isključivo po obrascima ponuđenim na [www.mod.gov.ba](http://www.mod.gov.ba)),
- b) Ovjerene kopije svjedočanstava svih završenih razreda srednje škole,
- c) Ovjerena kopija diplome četverogodišnje srednje škole odnosno (za lica koja su završila četvrti razred srednje škole),
- d) Potvrda o pohađanju četvrtog razreda (za lica koja pohađaju četvrti razred),
- e) Ukoliko je kandidat/kinja pohađao/la ili završio/la školu u inostranstvu potrebno je da dostavi ovjerenu kopiju nostrifikovane diplome ili ekvivalencije svjedočanstava razreda završenih u inostranstvu od strane nadležnog organa, original ili ovjerenu fotokopiju,
- f) Original ili ovjerena kopija Uvjerenja o državljanstvu na novom obrascu, ali ne starije od 6 (šest) mjeseci,

- g) Original ili ovjerena kopija Izvoda iz matične knjige rođenih na novom obrascu, ali ne stariji od 6 (šest) mjeseci,
- h) Uvjerenje o nevođenju krivičnog postupka, ne starije od 3 (tri) mjeseca,
- i) Potvrdu ili uvjerenje institucije/pravne osobe da u posljednje 3 (tri) godine nije otpušten/a sa posla zbog povrede službene dužnosti (za kandidate/kinje koji su bili ili su još zaposleni) ili Izjava kandidata/kinje ovjerena kod nadležnog općinskog organa,
- j) Prijava boravišta CIPS-a ne starija od 6 (šest) mjeseci,
- k) Ovjerena izjava od podnosioca prijave da nema zakonsku obavezu izdržavanja djece,
- l) Dokaze o položenim SAT i TOEFL testovima (za Vazduhoplovnu vojnu akademiju najkasnije do 30.12.2016.godine a za Kopnenu vojnu akademiju „West Point“ najkasnije do 30.01.2017.godine dostaviti printanu verziju rezultata, koji su dostavljeni na email lica koje je polagalo test predsjedniku komisije za izbor kandidata/kinja za kadete Ministarstva odbrane Bosne i Hercegovine ili prilikom prijave na konkurs ukoliko lice ima položene testove SAT i TOEFL),
- m) Ukoliko je kandidat/kinja učestvovao na školskim ili lokalnim sportskim takmičenjima potrebno je da dostavi ovjerenu fotokopiju priznanja,
- n) Pismo preporuke nastavnog osoblja srednje škole koju je kandidat/kinja pohađao/la,
- o) Dokaz o poznavanju rada na računaru (za kandidate/kinje koji tokom srednje škole nisu imali predmet informatika).

**Napomena:**

1. Konkursna dokumentacija neće se vraćati kandidatima/kinjama.
2. Prevod dokumenata pod b), c)/d), g), m) i n) na engleski jezik će dostaviti kandidati/kinje koji uspješno završe testiranja i provjere do 30.11.2016.godine predsjedniku komisije za izbor kandidata za prijem kadeta Ministarstvu odbrane Bosne i Hercegovine), a na lokalnom jeziku moraju biti predati do datuma određenog Javnim konkursom za predaju dokumenata.

**V ODABIR KANDIDATA**

**Odabir kandidata izvršit će Komisija koju će formirati Ministrica odbrane Bosne i Hercegovine.**

**VI PRIJAVA NA JAVNI KONKURS**

Sve tražene dokumente treba dostaviti preporučeno putem poštanske službe na adresu:

**Ministarstvo odbrane Bosne i Hercegovine**

**Ul. Hamdije Kreševljakovića 98**

**71 000 Sarajevo**

**Sa naznakom „Javni konkurs za školovanje kadeta na vojnim akademijama u SAD“**

Konkurs ostaje otvoren 15 (petnaest) dana od dana objavljivanja. Ispunjavanje uslova utvrđenih ovim Javnim konkursom računa se danom predaje prijave.

Kandidati/kinje putem jedne prijave mogu da konkurišu i na Kopnenu vojnu akademiju „WestPoint“ i na Vazduhoplovnu vojnu akademiju, ukoliko izraze interes.

Nepotpune, neblagovremene i neuredne prijave, prijave kandidata koji ne ispunjavaju uslove ovog Javnog konkursa, kao i kopije tražene dokumentacije koje nisu ovjerene, neće se uzimati u razmatranje.

Broj: 10-33-2-3888-1/16

Sarajevo, 26.09.2016. godine



**MINISTRICA**

**Marina Pendeš**